

Rapport dalla sessiun dil cussegl da vischnaunca dils 29-05-2019

Tractanda 1

Approbaziun dil protocol dalla sessiun dils 25-03-2019

Il protocol dalla sessiun dils 25-03-2019 vegn approbaus en votaziun unanima cun engraziament.

Tractanda 2

Purificaziun dalla bilanza pils 01-01-2018 (HRM2)

La vischnaunca da Trun ha fatg per l'emprema gada il preventiv 2018 tenor il niev model da quen HRM2. En la bilanza vegn il niev rendaquen realisau cun la nova valetaziun dalla bilanza dils 31 da december 2017 pigl 1. da schaner 2018. La nova valetaziun ei necessaria per presentar la situaziun dalla facultad, dallas finanzas e dils recavs conform allas relaziuns effectivas.

Il cussegl da vischnaunca pren per enconuschientscha la purificaziun dalla bilanza pigl 1. da schaner 2018.

Tractanda 3

Quen communal 2018

- a) Orientaziun e discussiun
- b) Rapport dalla cumissiun da gestiun
- c) Approbaziun da quen e bilanza

Il president communal Dumeni Tomaschett presenta ils puncts impurtants dil quen communal digl onn 2018 sco suonda:

Il quen current siara cun in surpli d'entras da frs. 723'767.-. Il gudogn avon amortisaziuns (cashflow) munta à frs. 1'186'826.-.

La facultad dalla vischnaunca ei ferton quei bien resultat digl onn 2018 semidada el senn negativ. Il motiv principal persuerter ei la nova valetaziun dallas aczias tenor HRM2. Niev valan las aczias da vischnaunca cun ina valeta da total 3.65 milliuns francs sco facultad administrativa e buca pli sco facultad finanziaria. Aschia seresulta cun la fin digl onn 2018 in deivet net da frs. 1'334'991.- ni frs. 1'127.- per habitont.

Per la presentaziun dil quen vegn surdau il plaid alla canzlista communal.

Il quen d'investiziuns siara cun expensas totalas da frs. 3'556'514.00 ed entradas totalas da frs. 1'552'369.15.

Las grondas posiziuns secloman:

•	Sanaziun via Principala	frs.	486'679.70
•	Sanaziun diversas vias communalas	frs.	207'239.30
•	Parcadi visavi la Cuort Ligia Grischa	frs.	647'887.85
•	Sanaziun canalisaziun via Principala	frs.	228'844.00
•	Via Munt	frs.	1'367'767.45

Allas damondas che vegnan tschentadas ord il cussegl san suprastanza e canzlista rispunder per cuntentientscha dallas cusseglieras e dils cussegliers.

Il president dalla cumissiun da gestiun Marcus Alig rapporta davart la lavur dalla cumissiun.

La cumissiun da gestiun ed il biro da revisiun recomondan l'approbaziun dil quen cun engraziar e dar scarica als funcziunaris responsabels ed als collaboraturs dall'administraziun.

Sin fundament dallas examinaziuns propona la cumissiun da gestiun:

- **d'approbar il quen 2018 che siara cun in surpli d'entradas da frs. 723'766.67**
- **da dar scarica als responsabels dall'administraziun communal ed alla suprastanza communal admittend a tuts il meritau engraziament per lur buna lavur e quitaun per ils fatgs comunals**
- **da dar scarica a tuts funcziunaris ed emploiai comunals renconuschend la vasta lavur prestada**

Cun 15 : 0 vuschs approbescha il cussegl da vischnaunca il quen communal digl onn 2018 tenor la proposta dalla cumissiun da gestiun cun resalva dil referendum facultativ.

Tractanda 4 Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegl da vischnaunca

La presidenta
Rita Wolf

L'actuara
Sandra Gautschi